

# USIM hantar dua ciptaan ke UK

**Nilai: Universiti Sains Islam Malaysia (USIM) akan menghantar dua inovasi ke Pameran Reka Cipta British (BIS) di United Kingdom, Oktober depan.**

Naib Canselornya, Profesor Datuk Dr Musa Ahmad, berkata produk yang akan dipertandingkan ialah 'Crushy Snack Bar' dan 'Novel Active Membrane for Dyes Wastewater'.

"Penyertaan sebegini membuka mata masyarakat bahwa hasil produk mahasiswa daripada institusi pengajian tinggi Islam juga mampu berjaya di pentas antarabangsa.

"Diharap dengan penyertaan ini, mereka boleh mempromosi kejayaan produk mereka di arena antarabangsa dan mengulangi kejayaan USIM, tahun lalu, menerusi produk Bambusia Powder," katanya pada majlis penghargaan peserta Novelty Research Innovation and Competition (NRIC), di sini, hari ini.

Projek Bambusia Powder meraih pingat emas dan anugerah reka cipta terbaik di BIS.

Melalui pertandingan NRIC yang berlangsung Ogos lalu, USIM berjaya merangkul dua emas, tiga perak dan empat gangsa.